



門ヲ保 4
號 3.042
卷 //

大唐六典殿中省卷第十一

御換

集賢院學士兵部尚書殿中書令俱備
上柱國開國公 李林甫等奉 敕注上

殿中省

監一人

少監二人

丞二人



大唐六典殿中省卷第十一

御撰

集賢院學士兵部尚書兼中書令修國史
上柱國開國公臣李林甫等奉 敕注上

殿中省

監一人

少監二人

丞二人

主事二人

令史四人

書令史十二人

亭長八人

掌固八人

尚食局

奉御二人

直長五人

書令史二人

書史四人 史當作吏

食醫八人

主食十六人

主膳七百人

掌固八人

尚藥局

奉御二人

直長四人

書令史二人

書吏四人

侍御醫四人

主藥十二人

藥童三十人

司醫四人

醫佐八人

按摩師四人

咒禁師四人

合口脂匠二人 旧唐志作四人

掌固四人

尚衣局

奉御二人

直長四人

書令史三人

書吏四人

主衣十六人

掌固四人

尚舍局

奉御二人

直長六人

書令史三人

書吏七人

掌固十人

幕士八千人

尚乘局

奉御四人

舊唐志
作二人

直長十人

舊唐志
作一人

書令史六人

舊唐志
作一人

書吏十四人

奉乘十八人

習馭五百人

掌閑五千人

進馬六人

司庫一人

司廩二人

典事五人

獸醫七十人

掌固四人

尚輦局

奉御二人

直長四人

書令史二人

書吏四人

掌扇六十人 旧唐志作六人

掌翰三十人 旧唐志作二十四人

掌輦二人

主輦四十二人舊唐志作三十人

奉輦十五人舊唐志作十二人

掌固六人舊唐志作四人

殿中省監一人從三品

魏氏初置殿中監品第七晉宋曰之齊有內

殿中監八人外殿中監八人梁初位不登七

班者別署署恐當作置勳位隋志作蘊位殿

中外監為三品勳位隋志作蘊位內監為三

品勳位陳因之然其官甚微後魏殿中監從

五品下北齊門下省屬官有殿中監四人掌

駕前奉引行事隋志行事下有制請修補四字東耕則進耒

耜隋改為殿內局監二人品正第六下大業

三年分門下省尚食尚藥御府殿內等局分

太僕寺車府驛驢等署置殿內省監正四品

少監從四品丞從五品各一人掌諸供奉又

有奉車都尉十二人掌進御輿馬統尚食尚

藥尚舍尚衣尚乘尚輦等六局皇朝曰改曰
殿中省龍朔二年改為中御府監為中御大
監咸亨元年復舊

少監二人從四品上

隋煬帝置一人從四品皇朝加至二人龍朔
咸亨隨省改復

丞二人從五品上

隋煬帝置一人從五品皇朝加至二人龍朔

二年改為中御大夫咸亨元年復故
主事二人從九品上

隋煬帝置皇朝因之

殿中監掌乘輿服御之政令摠尚食尚藥尚衣
尚乘尚舍尚輦六局之官屬

舊屬官又有天藏府開元二十三年省

備其禮物而供其職事少監為之貳凡聽朝則
率其屬執繖扇以列於左右凡大祭祀則進大

珪鎮珪於壇門

壇當作壇

之外既事受而蔽之凡行

幸則侍奉於仗內若遊燕田閱則駟乘以從焉

今內別置閑廐使其務多分殿中及太僕之

事至於輿輦車馬則使掌其內監知其外遊

燕侍奉皆不與焉

若元正冬至大朝會則跪而進爵若和合御藥

則監視而嘗之

丞掌判監事兼勾檢替失省署抄目

主事掌印及知受事發辰

尚食局奉御二人正五品下

周礼有膳夫內饗秦置六尚有尚食之名如

淳以為主天子物曰尚漢因之後遂省

後遂省三

字通典作後并其職於太官湯官至北齊門

下省統六局尚食局有典御二人丞監各四

人又有集書省統三局有中尚食局典御

隋

志御下當有丞各二字

二人監四人品與尚食同後周

有內膳上士二人中士四人凡進食必先嘗之至隋開皇初門下省統尚食局有典御二人直長四人大業三年分屬殿內改典御為奉御員二人正五品上上可皇朝曰之龍朔二年改為奉膳大夫咸亨元年復故直長五人正七品上

隋開皇初置直長四人從七品下大業三年加置六人增品為正第七上皇朝曰之減置

五人隋志尚食直長正七品下

食醫八人正九品下

周禮有食醫中士二人掌和王之六食六飲六膳百羞百醬八珍之齊隋尚食局有食醫

擬隋志醫下脫四人皇朝加至八人後周置主食主膳

等皇朝因之按通典後周有食醫下士疑注文脫之

主食十六人

後周內膳有主食十二人

尚食奉御掌供天子之常膳隨四時之禁適五味之宜

春肝夏心秋肺冬腎四季之月脾皆時王不可食五味酸醎甘苦辛

當進食必先嘗凡天下諸州進甘滋珍異皆辨其名數而謹其儲供直長為之貳凡元正冬至大朝會饗百官與光祿視其品秩分其等差而供焉其賜王公已下及外方賓客亦如之若諸

陵月享則於陵所視膳而獻之

諸陵須上食陵別殿中省主膳三十人分番上下每季差官相監於陵所造食供進

食醫掌和齊所宜

主食掌率主膳以供其職

尚藥局奉御二人正五品下

自陳梁當作陳後魏已往皆太醫兼其職北齊門下省統尚藥局有典御隋志御下有二人及丞各三字

侍御師四人尚藥監四人物御藥之事又集
書省統三局有中尚藥局典御二人丞二人
中謁者僕射二人物知中宮醫藥之事隋門
下省統尚藥局典御二人正五品下侍御醫
四人正七品上直長四人正七品下醫師四
十大業三年分屬殿內改為奉御皇朝因
之龍朔二年改為奉醫大夫咸亨元年復舊
直長四人正七品上

隋置四人正七品下煬帝加品為正七品上

皇朝因之

隋志尚藥直長正七品下煬帝正七品

侍御醫四人從六品上

北齊尚藥局有侍御師四人

隋有侍御醫

皇朝因之

主藥十二人藥童三十人

漢有藥丞主藥後周有主藥六人隋有主藥
四人藥童二十四人

司醫四人正八品下

隋大業中置皇朝因之

醫佐八人正九品下

隋大業中置皇朝因之

按摩師四人

隋有按摩師一百二十人皇朝減置

咒禁師四人

皇朝初置

合口脂匠二人

皇朝初置

尚藥奉御掌合和御藥及診候之事直長為之
貳凡藥有上中下之三品

上藥為君養命以應天中藥為臣養性以應
人下藥為佐療病以應地通相宣攝而為用
凡合藥宜用一君三臣九佐方家之大經也必
辨其五味三性七情然後為和劑之節五味謂
酸鹹甘苦辛酸屬肝鹹屬腎甘屬脾苦屬心辛

屬肺三性謂寒溫平七情謂有單行者有相須者有相使者有相畏者有相惡者有相反者有相殺者其用又有四焉曰湯丸酒散視其病之深淺所在而服之診脈辨寸關尺之三部以調四時沉浮滑澁之節而知病之所在關當填以在字胃膈者先食而後服藥在心腹者先服藥而後食凡合和御藥與殿中監視其分劑藥成先嘗而進焉

合藥供御門下中書司別長官一人并當上大將軍衛別一人與殿中監尚藥奉御等監視藥成醫佐以上先嘗然後封印寫本方方後具注年月日監藥者徧署名俱奏餌藥之日尚藥奉御先嘗次殿中監嘗次皇太子嘗然後進御侍御醫掌診候調和司醫醫佐掌分療眾疾

主藥藥童掌刮削擣篩

按摩師呪禁師所掌如太醫之職

尚衣局奉御二人從五品上

周礼有司服中士二人掌王吉凶衣服辨其

名物與其用事戰國有尚衣尚冠之職秦漢

少府屬官有御府令丞掌供御服後漢有掌

冠者批後漢志掌冠者三字典官婢作中衣服

及補浣之事後漢志事作屬魏因之晉屬光祿勳東

晉省宋大明中改尚方曰左右御府各置令

丞一人後廢帝初省御府置中署隸右尚方

其後又置至齊高祖省文帝又置至以下九字有疑通

典通志皆無此九字初宋氏用三品勳位明帝改用二

品準南臺御史掌金銀絲帛凡諸造作以供

奉及妃主六宮梁陳無御府其職隸在尚方

後魏有掌服郎從六品上北齊門下省統主

衣局都統子統谷二人後周有司服上士二

人中士二人隋門下省有御府局監二人大業三年分屬殿內省其後又改為尚衣局皇朝因之龍朔二年改為奉冕大夫咸亨元年復舊

直長四人正七品下

隋改御府為尚衣局始置直長領主衣皇朝

因之

隋志御府直長從七品上
煬帝尚衣直長正七品

主衣十六人

隋置皇朝因之

尚衣奉御掌供天子衣服詳其制度辨其名數而供其進御直長為之貳凡天子冕服十有三一曰大裘冕二曰衮冕三曰鷩冕四曰毳冕五曰絺冕曰唐志作繡冕六曰玄冕七曰通天冠八曰武弁九曰弁服十曰黑介幘十一曰白紗帽十二曰平巾幘十三曰翼善冠大裘冕無旒冕廣八寸長一尺六寸

玄表纏衰批玉海當以下廣狹准此

金飾玉簪導以組為纓色如其綬表以黑羔皮

為之玄領關標唐志一本作青曰緣朱裳白紗中

單皂領青標襪裾革帶玉鈎鯨大帶

素帶朱裏純其外上以朱下以綠紐約舊唐志無

約用組

鞞

鞞蔽膝也凡鞞皆隨裳色

鹿盧玉具劍火珠鏢首白玉雙佩玄組雙大綬

六絲玄黃赤白縹綠繩批隋志繩玄質長二丈

四尺五寸批隋志寸首廣一尺

小雙綬隋志作長二尺六寸舊唐志色同大

綬而首半之間施三玉環

朱鞞赤舄祀天神地祇則服之

衮冕垂白珠十有二旒以組為纓色如其綬鞋

續克耳玉簪導玄衣纁裳十二章

八章在衣日月星辰山龍華虫火宗彛其四章在裳藻粉米黼黻衣襟領為昇龍皆織成為之

山龍以下每章一行重以為等每行十二白紗中單黼領青襟襪裾鞞革帶大帶劍玉珮綬鞞與上同舄加金飾享廟謁廟及廟遣上將征還飲至踐祚祚當作祚加元服納后若元日受朝及臨軒冊拜王公則服之

鷩冕服七章

三章在衣華蟲火宗彛四章在裳藻粉米黼黻餘同衮冕有事遠主則服之

毳冕服五章

三章在衣宗彛藻粉米二章在裳黼黻

餘同鷩冕祭海嶽則服之

絺冕服三章

一章在衣粉米二章在裳黼黻

餘同毳冕祭社稷帝社則服之

玄冕服

衣無章裳刺黻

唐志黻作黼

一章

餘同絺冕蜡祭百神朝日夕月則服之

通天冠加金博山附蟬十二首施朱

朱當作珠翠黑

介幘髮纓

唐志髮作組

翠綉玉若犀簪導絳紗袍白

紗中單朱領襪

唐志作襪襪裙

白裙襦

亦裙衫

絳紗蔽膝白假帶方心曲領其革帶劍珮綬與

上同白鞵黑舄若未加元服則雙童髻空頂黑

介幘雙玉導加寶飾諸祭還及冬至受朝

唐志按

冬至下有朔日二字受朝下有臨軒拜王公五字

元會冬會則服之

武弁金附蟬平巾幘

餘同其服

通典其作前按隋志云其乘輿武弁之服衣裳綬如通天之服

講武出征四時蒐狩大射禡類宜

唐志宜下脫

社賞祖罰社纂嚴則服之

弁服

弁以鹿皮為之

十有二珙

珙以白玉珠為之

玉簪導絳紗衣素裳革帶白玉雙珮鞶囊小綬

白鞵烏皮履朔日

曰唐志日下有受朝二字

則服之

黑介幘白紗單衣白裙襦革帶素鞵烏皮履拜

陵則服之

白紗帽

亦烏紗

白裙襦白襪烏皮履視朝聽訟及燕見賓客則

服之

平巾幘

金寶飾

導簪

唐志作簪導

冠支皆以玉紫褶

亦白褶

白袴玉具裝真珠寶鈿帶箸箸當鞞乘馬則服

之

翼善冠其常服及白曰唐志練裙襦通著之若

服袴褶則與平巾幘通著

已上並古服有事及見賓客則服之自隋文

帝制柘黃袍及巾帶以聽朝至今遂以為常

凡天子之大圭曰珽長三尺鎮圭長尺有二寸

有事于郊廟社稷則出之于內將享至于中壝

門趨當則奉鎮圭于監而進既事復受而藏之

凡大朝會則設御案朝畢而徹焉

尚舍局奉御二人從五品曰唐志品下有上字

周礼有掌舍掌行所解止之處帷幕幄帟之

事漢少府屬官有守宮令丞掌宮殿陳設魏

殿中監掌帳設監護之事晉宋已下其職並

在殿中監隋煬帝置殿內監隋志改殿內局

為尚舍局置奉御二人正五品皇朝日之龍

朔二年改為奉宸宸當作宸大夫咸亨元年復舊

直長六人正七品下

隋煬帝置八人皇朝減二人

幕士八千人

皇朝置掌供御及殿中雜張設之事

尚舍奉御掌殿庭張設供其湯沐而潔其灑掃

直長為之貳凡大駕行幸預設三部帳幕有古

帳大帳次帳小次帳小帳凡五等古帳八十連

高二丈縱廣二丈五尺前有五梁後有七梁

大帳六十連

高一丈五尺縱廣二丈前有四梁

次帳四十連

高一丈三尺縱廣一丈五尺前三梁三帳

皆朱蠟骨緋紬綾浮游覆之

小次帳三十連

高一丈一尺縱廣一丈二尺

小帳二十連

高八尺縱廣九尺

凡五等之帳各三是為三部

帳皆烏氈為表朱綾為覆下有紫幃方座金銅行牀垂以廉其諸帳內外又設六柱四柱三柱為垣墻之制皆青純為表朱帛為裏其外置排城以為蔽捍焉

排城連版為之每版皆畫辟邪猛獸表裏漆

之

凡供湯沐先視其潔清芳香適其寒溫而進焉凡大祭祀有事於郊壇則先設行宮於壇之東南向隨地之宜將祀三日則設大次於外壇東門之外道北南向而設御座若有事於明堂及太廟則設大次於東門如郊壇之制凡致齋則設幄於正殿西序及室內俱東向張於楹下凡元正冬至大朝會則設斧扆於正殿

施榻曰唐志榻作躡新唐志榻作躡席及薰鑪若朔望受朝

則施幄帳於正殿帳裙頂帶方闊一丈四尺

尚乘局奉御四人從五品上

自秦漢已來其職皆在太僕北齊太僕驛駟

署有奉乘十人隋志奉乘十人作奉承直長二人管十二閑

馬隋煬帝取之置尚乘局皇朝因之增置奉

御四人一人掌左六閑馬一人掌右六閑馬

一人掌粟草飼丁請受配給及勾勘出入破

用之事一人掌鞍韉轡勒供馬調度及療馬

醫藥料度之事龍朔二年改為奉駕大夫咸

亨元年復故開元二十二年二年當減二人

先是別置閑廐使因隸焉猶屬殿中

直長十人正七品下

隋煬帝置十四人皇朝目之開元二十三年

減四人

奉乘十八人正九品下

後魏有奉乘郎從五品下後周左右廐各有奉乘二十人隋煬帝置尚乘局有奉乘十人皇朝加置二十四人每閑二人開元二十三年減六人按後魏志奉乘郎從五品中

習馭五百人

後周左右廐各有馭夫一百二十人皇朝加置習馭五百人掌調習六閑之馬掌閑五千人

皇朝置常分飼養六閑之馬

進馬六人新唐志作五人正七品下

皇朝置

按旧唐志天寶八載李林甫用事罷立仗馬亦省進馬官十二載楊國忠當政復立仗馬及進馬官此則本條初有進馬位員職掌而後省之歟今以旧新唐志補之以充目錄之數

司庫一人正九品下

皇朝初置二人掌六閑庫物開元二十三年

減

司廩二人正九品下

皇朝置之

典事五人

皇朝置掌六閑粟草

獸醫七十人

周礼有獸醫下士掌療畜獸之疾病又有巫

馬下士闕据本書二人醫四人掌知馬祖先

可連書

醫牧馬步之神養疾馬以藥攻馬疾也北齊内

廐局有馬醫二人皇朝置獸醫掌療左右六

閑之馬

尚乘奉御掌内外閑廐之馬辨其麤良而率其

習馭直長為之貳六閑一曰飛黃二曰吉良三

曰龍媒四曰駒駮五曰馱馱六曰天苑左右凡

十有二閑分為二廐一曰祥麟二曰鳳苑以繫

飼馬

今仗內有飛龍祥麟鳳苑鸚鵡鑾

曰唐志鑾作雛新唐志鑾

作鸞吉良六郡作郡當等六廐奔星內駒等兩閑

仗外有左飛右飛左万右万等四閑東南內

西北內等兩廐

凡御馬必敬而式之非因調習不得捶擊

諸閑廐上細馬若欲調習唯得廐內乘騎不

得輒出

習其進御之制而為出入之禁

隴右諸牧監使每年簡細馬五十疋進其祥

麟鳳苑廐所須雜給馬牛別簡羸壯敦馬一

百疋與細馬同進仍令牧監使預簡敦馬一

十疋別牧馬作馬恐當殿中須馬任取充

凡秣馬給料以時為差

春冬日給稟一圍粟一斗鹽二合秋夏日給

青芻一圍粟減半

凡外牧進良馬印以三花飛風之字而為誌焉

細馬次馬送尚乘局者於尾側依左右閑印以三花其餘雜馬送尚乘者以風字印印右髀以飛字印印左髀

奉乘掌率習馭掌閑駕士及秣飼之法凡馭馬必視其齒歷勞逸而調習之

馬四年而兩齒五年而四齒六年而六齒成矣七年而右一齒齟八年而上下兩邊各一齒缺九年而上下盡缺十年而下兩齒齟十

二年而下四齒齟十二年盡齟十三年下兩齒平十四年下四齒平十五年下盡平十六年上兩齒齟十七年上四齒齟十八年上盡齟十九年上兩齒平二十年上四齒年年當作平

進馬掌大陳設戎服執鞭居立仗馬之左

視馬進退唐志

司庫掌鞍轡乘具

司廩掌藁秸出納

獸醫掌療馬病

凡馬病灌而行之觀其病之所發療馬病有五勞一曰筋勞二曰骨勞三曰皮勞四曰氣勞五曰血勞久步則生筋勞久立則生骨勞久汗不乾則生皮勞汗未差燥而飼飲之則生氣勞驅馳無節則生血勞有傷寒者有傷熱者有瘍者咸據經方以療焉

尚輦局奉御二人從五品上

周禮小司徒中大夫二人掌六畜車輦又巾車下大夫二人掌王后之五輅輦車組輓有翬羽蓋古謂人牽為輦春秋宋萬以乘車輦其母秦始皇乃去其輪而與與當作輦之漢代遂為人君之乘後漢有乘輿六輦魏晉小出則乘之及過江而已大元中謝安率意而作及破符堅得之形制無差大小如一時人嗟其默識宋武執慕容超獲金鉦輦古之輦輿大

率以六尺為度齊武帝造大小二輦彫節節當

作飾甚工下 輦隋志輦 輶輶悉金花銀獸梁大

輦中方八尺左右開四望金鸞棲輶隋有六

輦大禮皆乘之秦漢魏晉並太僕屬官車府

令掌之東晉省太僕遂隸尚書駕部宋齊梁

陳車府乘黃令丞掌之後魏北齊則乘黃車

府令兼掌之後周則司車輅主之隋又乘黃

車府令兼掌之煬帝置殿內省尚輦局奉御

二人正五品皇朝因之為從五品上龍朔二

年改為奉輦大夫咸亨元年復舊

直長四人正七品下

隋煬帝置皇朝因之又置掌扇掌翰等員掌

執扇及執紙筆硯雜供奉之事

掌輦二人正九品下

皇朝初置四人開元二十三年減二人又置

主輦奉輦等員掌率主輦以供其事

主輦四十二人

皇朝置凡七輦輦六人

奉輦十五人

皇朝置之

尚輦奉御掌輿輦繳扇之事分其次序而辨其名數直長為之貳凡大朝會則陳於庭大祭祀則陳於廟

輦有七一曰大鳳輦二曰大芳輦三曰仙遊

輦四曰小輕輦五曰芳亭輦六曰大玉輦七

曰小玉輦輦有三一曰五色輦二曰常平輦

其用如七輦之儀三曰腰輦則常御焉

凡大朝會及祭祀則出之於內既事復進而載

唐志無復進二字載作蔽之凡繳扇大朝會則繳二翰一陳

之于庭

孔雀扇一百五十有六分居左右舊翟尾扇

開元初改為繡孔雀以省曰唐志無以省二字疑是衍

若常聽朝皆去扇左右各留其三以備常儀

崔豹古今注云華蓋皇帝皇當作黃所作也與虫

尤戰於涿鹿之野常有五色雲氣金枝玉葉

止於帝上有花藹之象故因作華蓋也通俗

文曰張帛避雨謂之繖蓋古今注曰翟尾扇

起於殷代高宗有雉雉之祥服章多用翟羽

周制以為王后夫人之車服輿輦有翟即緝

翟羽為扇翟以障蔽翳風塵也

古今注作障翳蔽字可削

大唐六典中省卷第十一



